



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/25-3-40-262-6/21**
Datum: **19.08.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica, «KRIVAJA-TVORNICA MONTAŽNIH KUĆA» d.o.o. Zavidovići za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta pogona za proizvodnju montažnih kuća u Zavidovićima, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev pravnog lica, «KRIVAJA-TVORNICA MONTAŽNIH KUĆA» d.o.o. Zavidovići za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta pogona za proizvodnju montažnih kuća izgrađenog u ul Radnička br 2, na zemljištu označenom kao k.č. broj: 1293/1, 1295/6, 1295/12 i 1295/13 K.O. Zavidovići, općina Zavidovići s obzirom da za predmetnu aktivnost, a u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog kompleksa objekta dođe do promjene tehnologije procesa čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Pravno lice, «KRIVAJA-TVORNICA MONTAŽNIH KUĆA» d.o.o. Zavidovići, svojim zahtjevom zaprimljenim 10.06.2021. godine, zatražilo je od ove Agencije izdavanje vodne dozvole za ispuštanje tehnoloških otpadnih voda sa lokaliteta pogona za proizvodnju montažnih kuća izgrađenog u ul Radnička br 2, na zemljištu označenom kao k.č. broj: 1293/1, 1295/6, 1295/12 i 1295/13 K.O. Zavidovići, općina Zavidovići.

Uz zahtjev nije dostavljena dokumentacija koja je propisana članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) te je dopisom broj: UP-I/25-3-40-262-2/21 od 15.06.2021. godine, zatražena dopuna dokumentacije neophodna za vođenje upravnog postupka od strane ove Agencije. Zahtjev je dopunjen u traženom roku.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-21-000148 izdatog dana 18.01.2021. godine od strane Općinskog suda u Zenici,
- Ovjerena kopija Rješenja o poreznoj registraciji izdatog dana 23.11.2011. godine od strane Porezne uprave Federacije BiH-Kantonalni porezni ured Zenica,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-35-426-11/11 izdatog dana 25.07.2011. godine od strane Uprave za indirektno-neizravno oporezivanje Banja Luka,

- Kopija zemljišnoknjižnog izvotka broj: 042-0-NAR-21-001880 ZK uložak broj: 33 izdat dana 24.05.2021. godine od strane Općinskog suda u Zavidovićima,
- Kopija Rješenja o odobrenju za upotrebu broj: 65/13-360-25 izdatog dana 26.11.1986. godine od strane Komisije za katastar, imovinsko-pravne poslove i prostorno uređenje Opština Zavidovići (rekonstrukcija pogona lijepljenih konstrukcija),
- Kopija Rješenja o odobrenju za upotrebu broj: 02/25-360-76/86 izdatog dana 25.10.1989. godine od strane Sekretarijata za opštu upravu Opština Zavidovići (rekonstrukcija dijela objekta i infrastrukture),
- Ovjerena kopija Rješenja o odobrenju za građenje broj: 06/22-23-4083/16-UP-1-3 izdatog dana 27.12.2016. godine od strane Službe za upravu geodetskih, imovinsko-pravnih poslova i urbanizam Općina Zavidovići (rekonstrukcija poslovnog objekta),
- Ovjerena kopija Rješenja o odobrenju za upotrebu broj: 06-23-2446/17-UP-1-4 izdatog dana 05.09.2017. godine od strane Službe za upravu geodetskih, imovinsko-pravnih poslova i urbanizam Općina Zavidovići (rekonstrukcija poslovnog objekta),
- Izvještaj o monitoringu kvaliteta i kvantiteta otpadnih voda «KRIVAJA-TVORNICA MONTAŽNIH KUĆA» d.o.o. Zavidovići urađen od strane «Inspekt-RGH» d.o.o. Sarajevo (broj: 396/21, mart 2021. godine),
- Kopija Ugovora o preuzimanju, manipulaciji, skladištenju i krajnjem zbrinjavanju opasnog i neopasnog otpada zaključen dana 18.09.2020. godine između «KRIVAJA-TVORNICA MONTAŽNIH KUĆA» d.o.o. Zavidovići i «AIDA-COMMERCE» d.o.o. Sarajevo,
- Situativni prikaz mj 1:100 urađen od strane «KRIVAJA-TMK» d.o.o. Zavidovići,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetnog pogona u ul Radnička br 2 u Zavidovićima i tom prilikom je sačinjen Zapisnik o uviđaju broj: UP-I/25-3-40-262-5/21 od 12.08.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Poslovni pogon «KRIVAJA-TVORNICA MONTAŽNIH KUĆA» d.o.o. Zavidovići je specijaliziran za dizajn i proizvodnju modernih montažnih kuća, građevinske stolarije, građevinskih ploča i lameliranih drvenih konstrukcija. Na drugom lokalitetu je lociran poseban pogon za primarnu preradu drveta u vlasništvu «KRIVAJA-TVORNICA MONTAŽNIH KUĆA» d.o.o. Zavidovići odakle se drvena građa doprema na predmetni lokalitet u ul Radnička br 2, Zavidovići na dalju obradu. U krugu pogona su locirane dvije sušare bez parionica.
- Piljevina nastala u proizvodnom procesu ne uzrokuje onečišćenje vanjskih manipulativnih površina jer se ista zatvorenim sistemom za otprašivanje sakuplja i skladišti u silos te dalje koristi za potrebe tehnološkog procesa (sušare) i zagrijavanje objekata.
- Oborinske vode prikupljene sa krovova objekata se zajedno sa oborinskim vodama sa platoa kompleksa prikupljaju zasebnim sistemom kanalizacione mreže sa slivnicima te na 4 lokaliteta ispuštaju u rijeku Bosnu.
- U postupku farbanja drvenih konstrukcija i stolarije se koriste boje na vodenoj bazi a sav otpad nastao u postupku farbanja kao i ostali opasan otpad se skladišti na adekvatan način u zatvorenim bačvama do krajnjeg zbrinjavanja od strane ovlaštene kuće «AIDA-COMMERCE» d.o.o. Sarajevo prema ugovoru zaključenom 18.09.2020. godine.
- Proces proizvodnje montažnih kuća i drvene stolarije, građevinskih ploča i lameliranih drvenih konstrukcija vrši se bez upotrebe nafte i naftnih derivata, a u samom proizvodnom procesu se ne upotrebljava voda niti nastaju tehnološke otpadne vode kao rezultat tehnološkog postupka, kako je to utvrđeno odredbama člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama.

Kako na predmetnom lokalitetu ne nastaju tehnološke otpadne vode kao rezultat tehnološkog postupka, kao ni oborinske onečišćene vode, te iz naprijed navedenih razloga, a u skladu s odredbama člana 123. i 218. stav (2), a u vezi sa članom 14. Zakona o upravnom postupku te člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije, riješeno je kao u dispozitivu ovoga Zaključka.

Podnosilac zahtjeva je uplatio i posebne troškove shodno Zaključku ove Agencije broj: UP-I/25-3-40-262-4/21 od 08.07.2021. godine.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.



Dostaviti:

- «KRIVAJA-TMK» d.o.o. Zavidovići
ul Radnička br 2, 72220 Zavidovići
- ⑥ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava